

مکتبہ دارالکتاب

❁ ادبی و سیاسی رسالہ اسبوعیہ در ❁

۳۱ نجی سنہ

۱۶ ذی الحجہ ۱۳۲۹

❁ پنجشنبہ ❁

جزو عدد : ۱۲۴

کاغذدن نلر یالیمور؟

موسیو مهر نامنده بری طرفندن نشر ایدیلن بریاستاسیتیک مندر جاتنه نظر آ
آلمانیاده سنوی سگز بحق میلیون . انکلترده بش بحق میلیون، فرانسهده اوج
میلیون سگز یوزبیک، آوستریاده اوج میلیون یوزبیک، ایتالیا ده دخی ایکی میلیون
درت یوزبیک قطار کاغذ اعمال اولمقددر .

آمریکا ممالک متحده سینه کلنجه اوراده کی اعمالک مقدار ی اورویا ممالکله
قیاس قبول ایتمز درجهده مزاید اوله رق ، یکر می آلتی میلیون آلتی یوزبیک
قطارده بالغ اولمقدده ایش که بالاده ذکر ایتدی کمز بش مملکتک مجموع اعمالاندن
اوج میلیون فضله دیمکدر .

آمریکاده کاغذک بوقدر فضله اعمال اولمقدده غزته لک وسعت نشریاتی ،
عدد تمثیلک فوق العاده یوکسکلکی باشلیجه سبب و علت اولمق اوزره خاطره کلکده
ایسهده اوتدن بری هر درلو مخترعات غریبه و ابداعات فوق العاده نلک مهد ظهوری
اولمقله معروف بولنان او مملکتده کاغذک خاطر و خیاله کلز بر چوق محل استمالی
بولغش و هر کون دخی یگدن یگی به صور استفاده بولمقدده ایش . وایشته
اصل بواسابدن طولای اعمالات سنویه اورویا به نسبتله بیوک یکونلره بالغ اوله
کلشدر .

(پی فابریقان) نامیله نشر ایدیلکده اولان صنایع بر غزته آمریکاده کاغذک
شمعی به قدر غیر معروف اولان ومؤخر آ اتخاذ اولنان صور استمالیه سنده بعضلرینی
وجه آتی تعریف ایلکدهدر :

بولردن باشلیجه سی اولمق اوزره کاغذک طام اورتوسی اوله رق استمالی

ذکر اولنه بیلیرکه بونک ایچون کاغد خیر حاله کتیرلدکن صکره مخصوص ماکنه لرده تضییق ایدیلهرک ایستنیلان شکله کرمه مید یا بلقده در .

شیقاغوده بیوک بر فابریقه ده کاغددن ملبوسات اعمال ایلکده در . بوملبوسات غایت خفیف . سهل الاستعمال و بموشاق اولدیغندن . کتدجکه تمم ایلکده و بر جوق خسته خانه لرده موفقیته قوللانلقده در . کوملک . بآنتالون و جاکت گبی لوازم تلبسیه احضارینه یارایان بوکاغد بر جوق اینجه طبقه لک بر آرمه کتیرده رک بر قزغانده معامله ایدمک صورتیه اعمال قلنقده و کنارلری اینجه یوک ایدلکی باصدیرلدقندن صکره بیچیلوب ایستنیلان شکله دیکیلکده و دوکمه و قویجه دخی سهولته ربط اولنقده در . بوقاشلق کاغدک احضاری ایچون قوللانیلان ماده ابتدایه ایسه دود آغاجی قیو قلدیرد .

بوندن بشقه کاغددن توتون دخی یا بلقده درک بونک ایچون ده کافی مقدارده کاغد آلهرق دروننده توتون قیرتی و سوپرندیسی قایناندیرلمش برمایه طالدیرلهرق اون گون قدر بر ایلور . کاغد بواون کون ظرفنده خمور حاله کلور و صوده محلول اولان نیقوتینی اینجه جذب ایتمش بولنور . بعده بوخمور ایکی استوانه آرمه سندن گجیریلهرک اینجه طبقه حاله افراغ اولندقندن صکره بوکیلهرک نفیس و ظریف سیفاره لر یا بیلور .

فیادلفیاده ده کاغد . چوال و شیشه اعمالنده استعمال اولنقده در . موجدلردن بری ده کچنده کاغددن آت نعلی اعمالنه باشلامشدر . روایتیه نظراً بونعل هم خفیف و هم ده دمیردن دها طیانقلی اولمغله برابر حیوانلرک طرناغنه چیوی برینه مخصوصاً احضار اولنان قوتلی برنوع طوقال ایله ربط والصاق قلندیغندن . آت لک آیاقلرینی زدملک محذوری ده زائل اولمش دیمکدر .

بوکونلرده ایکی آلمان مهندس ده کاغد ، بز و بایسقه دن مرکب و اینجه چلیک تلر ایله مجهز برنوع لازمه مدنییه ایجاد ایتمشدرکه غایت خفیف اولان بوماده صو و آتشدن قطعاً متأثر اولدیغندن واپور ، سفائن ، حربیه ، اوتوموبیل ، تراموای ، سواقق قالدیرملری و سارمه اعمال و انشاسنه بک زیاده الیریشلی ایش .

شومس روداته نظراً بعدما « کاغد نهایشه یارار ؟ » دبه واقع اوله جق بر سواله جواب ویرمک عادتا مشکل الحل بر مسئله حافی آله جقدر . هله بوکبی بر سوال بر آمریقایی به ایراد ایدیله جک اولورسه متنوع اولدینی قدر محیر العقول و ناشنیده جوابلر آله جنفی شبهه دن آزاده در .

§

کاغددن ژاپونیاده دخی پک جوق اشیا و لوازم بیتیه ومدنیه اعمال اولمقده در . کاسه ، باردق ، طباق ، تپسی ، دستی کبی نجملات و قیو قنادی ، (پاروان) خانه لرده اوطه لری یکدیگرندن تفریق ایدن اینجه جدارلری تشکیله مخصوص لوحه لر ، صربه تکرلکلی ، تیمور یولی رایلری ، واغون بوله لری ، ماصه لر ، حکمجه لر ، رافلر تصنیع ایدلمکده در . کاغد لایه سی ایستیلان شکله دوکیله رک تضییق واسطه سیله تحتهدن خفیف و تیموردن قوی برحاله کتوریلدور . صکرده اوزرینه برنوع (روغن) طلا ایدیله رک رطوبته مقاومت ایده جک برخاصه اضافه ایدیلدور . آمریقاده کی اصول ایله ژاپونیاده اوته دن بری متحد و مستعمل اولان اصول اعمال یکدیگرندن تمامیه آیریدر .

آمریقاده بخار قوتی عامل مطلق اولدینی حالد ژاپونیاده کی معامله صنایعه همان (اسرار) دن معدود و بالخاصه کاغد مایع حالده بولندینی زمان بر ترکیب کیمیوی ایله ایستیلان درجه مقاومت اعطا اولندیغندن اعمالنده از هر جهت اهنیت مشهوددر .

فقط یازی به و طباعته مخصوص اولان کاغدلر ، اوروپاده بواشلرده قولانیلان کاغدلردن تمامیه آیرلمقده در . ژاپونیا کاغد فابریقه لری هر نه دن ایسه اوروپاده کی اصول اعماله اصلا تقرب ایده مامکده درلر . کاغه تیمور قدر و بلکه دهها زیاده برخاصه صلابت و مقاومت ویرن ژاپونلر ، مثلا انکلیز و هولانده کاغدی دینلان و لطافت و قوتجه فوق العاده اولان کاغدلره مماثل اعمالاته هنوز موفق اوله مامشدردر . بونده ایسه گوره نمکدن آیرلما منک دخل و تأثیری اولدینی غیر منکر در .

